

2021-mut Aningaasanut Inatsisissatut siunnersuut

(Aningaasaqarnermut Naalakkersuisoq)

Saqquummiusissut

(Aningaasaqarnermut Naalakkersuisoq)

Siullermeerinninneq

Matumuuna Naalakkersuisut sinnerlugit 2021-mut Aningaasanut Inatsisissatut siunnersuut saqqummiutissavara.

Qinigaaffimmi uani aningaasanut inatsisit pingajussaat

2021-mut Aningaasanut Inatsisissatut Siunnersuut soorunami arlalitsigut coronap maanna atuunneranik, taassumalu sunniutaanik sunnerneqaqqavoq. Tassani sunniutit taakku qanoq annertutigalutillu sivisutigiumaарneri, kiisalu siunissami ineriarternermut qanoq sunniuteqarumaарnerat aamma annertuumik nalornissutaapput.

Naak coronap inuiaqatigiinnut sunniutai pisortallu aningaasarsiornerannut pitsaanngitsumik kingunerisa iliuuseqarfigineqarlutillu eqqumaffigineqarnissaat pisariaqaraluartoq, taamaattoq tamatuma peqatigisaanik ungasinnerusumik sammisumik pisariaqartitat pingaarnersiorneqarnissaat, suliassallu maannakkorpiaq isumagineqartariaqartut isumaginissaat Naalakkersuisut pingaartutut isigaat. Taamaalluni Aningaasanut inatsisissatut siunnersuut iliuuseqarfigineqartussanut assigiinngitsunut oqimaaqatigiissitsinissamik takutitsisuuvvoq.

Taamaammat siunnersuut 2021-mi aningaasaqarnermut politikimik qasukkartitsigallarnermik 2022-2024-milu IS-ip inerneranik oqimaaqatigiissitsisumik kigaatsumik sakkortusiartortsinissamik toqqammaveqarpoq. Taamaaliорnermi ajornakusoorsinnaasumik pingaarnersiuinissamut sapiissuseqarnissaq pisariaqarpoq. Taamaaliortoqanngippallu akisussaassuseqanngitsumik attanneqarsinnaanngitsumillu aningaasaqarnikkut politikeqartoqassaaq, taamaaliорnermilu akiligassat kinguaariinnut aggersunut ingerlateqqinnejassapput. Siunnersuut imarisamigut inuiaqatigiit aaqqissugaaneranni ilungersornartut aaqqiivigineqarnissaannik ukkataqarpoq, peqatigisaanillu nunatsinni isorartoqisumi innuttaasunut, suliffeqarfinnut inuiaqatigiinnullu iluaqutaasumik nungusaataanngitsumik toqqammaveqartumik ineriarternissamut sinaakkusiilluni.

2021-mut aningaasanut inatsisissatut siunnersuut 2021-mi IS-im (Ingerlatsinermi Sanaartornermilu) 183 mio. koruuninik amigartoorfiussaaq. Naatsorsuinerimi

taarsigassarsitsitsineq ilanngukkaanni, taava 2021-mut aningasaanut inatsisisstatut siunnersuut ingerlatsinermi, sanaartornermi taarsigassanullu, IST-p (Ingerlatsinermi Sanaartornermi Taarsigassarsitsinermik) taaneqartumi, 2021-mi 173 mio. koruuninik amigartooruteqarfiussaaq.

Piffissamut aningasaanut inatsisiliorfiusumut tamarmiusumut 2021-2024-mut 2021-mut aningasanut inatsisisstatut siunnersuut IS-imi (Ingerlatsinermi Sanaartornermilu) 175 mio. koruuninik amigartooruteqarfiuvoq. Taamaalilluni ukiuni missingersuusiorfiusuni 2022-2024-mi isertitat aningaasartuutilu piffissami pineqartumi 8 mio. koruuninik sinneqartooruteqarnikkut oqimaaqatigiippuit. 2021-mi annertuumik amigartooruteqarnerup ukiuni tulliuttuni minnerpaamik isertitat aningaasartuutilu oqimaaqatigiissinneqarneranik malitseqartinneqarnissaq Naalakkersuisut pingaartippaat.

Aningaasaqarnikkut pissutsit

Aningaasaqarnermut Siunnersuisoqatigiit upernaakkut nalunaarusiaminni 2020-mi aningaasaqarnikkut ingerlatsinerup 1,5 procentinik appariarsinnaanera nalilerpaat. Nalunaarummi kingullermi 2020-mi ingerlatsineq taamaallaat 0,2 procentinik kinguarifiussasoq Siunnersuisoqatigiit naliliipput.

Nappaatip siaruaateqqilerneranik, killilersuinernik nutaanik pisariaqalersitsisunik pisoqanngippat, siunnersuisoqatigiit naliliinerat naapertorlugu patajaallisaaqqinnej 2021-mi aallarteqqissinnaavoq. Naak aningaasarsiorneq taamatut pitsasumik ineriartruatoq, taamaattoq 2021-p naanerani tunisassiorneq coronamik ajornartorsiorneq sioqqullugu ilimagineqartunit appasinnerungaatsiassasoq, Aningaasaqarnermut Siunnersuisoqatigiit ilanngullugu tikkuarpaat. Tamanna ingammik nunarsuarmi aningaasarsiornerup annertuumik sanngiilleriarneranik patsiseqarpoq. Siunnersuisoqatigiit 2021-mut siuariartornissamik eqqoriaaterlik 4,8 procentimit 2,1 procentimut annikillivaat.

Taamaammat coronap ajornartorsiortitsinera ukiuni arlalinni suliffeqartut amerliartorlutik aningaasarsiorluarnerup allanngorneranik nassataqarpoq. Inuiaqatigiinni suliat annikillinissaat Nunattalu Karsiata annertuumik sunnerneqarnissaq pinngitsoorneqarsinnaanngitsoq ilimagineqarpoq. Tamanna siunnersuisoqatigiit naliliinerat naapertorlugu ukiuni aggersuni aningaasaqarnikkut politikip sinaakkutaanut periarfissaanullu sunniissaaq. Naalakkersuisut tamanna isumaqatigaat.

Ataatsimut isigalugu coronamik ajornartorsiorerup aningaasaqarnikkut sunniutai aallaqqaammut aarleqqutigineqartumit annikinnerupput. Tamanna pissutsinik arlalinnik patsiseqarpoq. Ilaatigut Naalakkersuisut coronamik upalungaarsimasuisa nuna tamakkerlugu atuutumik ajornartorsiornermik aqtsineq, mianersortumik aallaaveqartumik periuseqarfiusoq isumannaarpaat. Tamanna tunillaassuunermik killileeqataasimasutut, taamaalillunilu namminersorlutik inuussutissarsiortut taamaallaat piffissami killilimmi Nuummiinnarlu matoqqatitsisimanerannut patsisaqataasoq nalilerneqarpoq. Taamattaaq Naalakkersuisut suliniutinik ikorsiissutinillu namminersorlutik inuussutissarsiortunut aningaasaqarnikkut akornusiisunut annikinnerulersitsisunik atulersitsippit. Aningaasaqarnermut Siunnersuisoqatigiit nalunaarusiaminni kingullermi namminersorlutik inuussutissarsiortunut

assigiinngitsunut ikorsiissutaagallartut, sabinngisamik piaarnerpaamik atorunnaarsinneqarnissaannut sakkortuumik kaammattuippuit. Naalakkersuisut tamanna isumaqatigaat – aningaasanullu inatsisisstatut siunnersummi namminersorlutik inuussutissarsiortut ilaannut ikorsiissutit nanginneqarnissaannut aningaasanik immikkoortitsisoqanngilaq.

Aningaasarsiornikkut ajornartorsiornerup nalaani naammattunik aningaasanik atorneqarsinnaasunik uninngasuuteqarnissaq aningaasaqarnikkut aqtsinermi pingaaruteqartorujussuuvoq. Coronamik ajornartorsiornerup Nunatta Karsiata aningaasanik uninngasuutaasa ineriartornissaannut ilimagisat annertuumik allanngortippai. Taamaammat Nunatta Karsiata siunissami siunertarineqanngitsumik allanngortoqarnerani atugarissaarnerup illersornissaanut pisariaqartumik periarfissaqarnissaanik qulakteerinnittumik taarsigassarsisinnaanermut periarfissaqarnissaata isumannaarnissaa pisariaqartinneqarpoq.

2020-mut tunngatillugu Nunatta Karsiani aningaasat uninngasuutit naammattut maanna naatsorsuutaavoq. Taamaattoq 2021-mi upernaakkut aningaasanik uninngasuutinik naammattumik pigisaqaqqilernissaq isumannaarniarlugu taarsigassarsiniarnissaq pisariaqassagunarpoq. 2021-mut aningaasanut inatsimmi amigartooneq 2021-p ingerlanerani aningaasanik uninngasuutinut suli ajorseriartitsinermik malitseqassaaq. IST-p (Ingerlatsinermi Sanaartornermi Taarsigassarsitsinerullu) inernerata saniatigut aningasaatit nikinnerisa uninngasuuteqarneq sunnersinnaavaat. Tamanna ingammik ungasinnerusoq eqqarsaatigalugu aningaasaateqarfiup isertitaanut, sanaartornermut iluarsartuussisarnermullu aningaasaateqarfimmi niktoornernik ingerlatseqatigiiffinnullu aningaasaliissutinut isertitanut tunngavoq. Tamakkuli annertussusaat massakuugallartoq annertuumik nalorninartortaqarpoq.

Taamaammat siumut takorloorneqarsinnaanngitsunik aningaasartuuteqartoqassappat, Nunatta Karsiata naammattunik uninngasuutai qulakteerniarlugit taarsigassarsinissamut periarfissat annertusarneqarnissaat inassutiginarpoq. Siunertamut tassunga atatillugu aningasaanut inatsisisstatut siunnersummi, Naalakkersuisut Namminersorlutik Oqartussat sinnerlugit 1,5 mia. koruunit tikillugit sabinngisamik pitsaanaerpaamik atugassaqarfiusunik taarsigassarsisinnanissaannik piginnaatitsisumik oqaasertaliussamik Naalakkersuisut ilanngussippuit. Piginnaatitsisummik atuineq Aningaasaqarnermut Akileraartarnermullu Ataatsimiitaliamit akuerineqartussaavoq. Maannakkuugallartorli piginnaatitsissutip tamakkiisumik atornissaa pisariaqartutut isikkoqanngilaq.

Aningaasanut inatsisisstatut siunnersummi pingaarnersiuinerit

2021-mut aningaasanut inatsisisstatut siunnersummi ukumi aningaasanut inatsiseqarfimmi 2021-mi 183 mio. koruuninik amigartooreuteqarnerup malitsigisaanik, 2022-mit isertitat aningaasartuutilu oqimaaqatigiissinnissaat anguniarlugu sukannersorujussuarmik pingaarnersiuineq pisariaqarsimavoq.

Tamatuma ilaatigut aningaasanut inatsisisstatut siunnersummi ingerlatsinermut tapiissutinullu aningaasaliissutit akit akissarsiallu naleerukkiartornerannut nalimmassarneqannginnerat nassataraa. Akit akissarsiallu 1,85 procentimik nalikillinissaattut naatsorsukkamut atatillugu,

tamanna ukiumut 75 mio. koruunit missaannik missingersuutinik pitsangoriarnermik nassataqarpoq.

Tamatuma saniatigut piffissami aningaasanut inatsisiliorfiusuni 2021-mit 2024-mut allaffissornikkut ukiumut agguaqatigiissillugu 28 mio. koruuninik sipaaruteqartoqarpoq.

Inatsisartut ukiaanerani ataatsimiinneranni matumani soraarnerussutisiaqalernissamut aaqqissuussinermut peqataasussaatitaanerup atulersikkiartorneqarnerata sivitsorneqarnissa pillugu Naalakkersuisut siunnersummik saqqummiussissapput, taamaalilluni 2020-mi akiliutissatut piumasaqaataasoq 2024-p tungaanut ukiumut 1 procentpointimik qaffanneqarnani, 2022-p tungaanut 6 procentiuinnartinneqassalluni. 2022-p kingorna akiliutissatut piumasaqaataasoq 2026-mi 10 procentinngornissaata tungaanut ukiumut 1 procentpointimik qaffanneqartassaaq. Tamanna ukiuni aningaasanut inatsisiliorfiusuni 2021-mit 2024-mut 100 mio. koruunit angullugit missingersuutinik pitsangoriartitsinermik nassataqassaaq. Atuutilersitsiartornerup sivitsorneqarnerata pissutsit massakutut inneranni inoqutigii pisisinnaassusaat aamma nukittunerulersissavaa.

Sanaartugassanut sinaakkutinut tamarmiusuni aningaasanut inatsisissatut siunnersuummi 2020-mut aningaasanut inatsimmi ukiunut missingersuusiorfiusunut immikkoortinneqartunut sanilliullugu 2022-mi 25,0 mio. koruuninik 2023-mi 2024-milu 30,0 mio. koruuninik appaanissaq ikkunneqarpoq. Sanaartugassanut sinaakkutit appartinneqarnissaannut siunnersuuteqarnermi sanaartugassanut ingerlaavartumillu iluarsartuussinernut aserfallatsaaliuinernullu nutaanik aningasalersuinissamut periarfissat soorunami annikillisinneqarput. Tamanna ukiuni makkunani attaveqaqatigiinnermut tunngasuni sanaartukkat annertuut ingerlanneqarnerini piffissami sivikitsumi illorsorneqarsinnaavoq.

Suliniutinut nutaanut tunngatillugu, 2021-p ingerlanerani napparsimasunut taarsiissutit pillugit inatsisissatut siunnersummik Naalakkersuisut saqqummiussinissartik ilimagaat, taamaaliornikkullu aaqqissuussineq peqqinnissaqarfimmil sulisut ataasiakkaat akisussaatinneqarlutik taarsiisussanngortitaasарneq qimallugu katsorsaanermi kukkunernik il.il. pisqartillugu sukumiisumik sulianut naliliisarneq atuutinnejalissaq. Matumani sullissinermik pitsanguineq pineqarpoq, taamaattoqassappammi taarsiissuteqartarnermik periuserineqartoq nunani avannarlerni allanit ilisimaneqartoq atorneqalissammatt. Aningaasanut inatsisissatut siunnersuummi 2022-mit suliniummut ukiumut 5,5 mio. koruunit aningasalersuutissatut immikkoortinneqarput.

Aningaasaqarnermut Akileraartarnermullu Ataatsimiitaliaq ukioq manna ilassutit aningasaliissutikkut Naalakkersuisut ukiut qulit tikillugit sivisussusilimmik, ukiullu marluk angullugit sivitsuisinnaanermik periarfissiisumik Naalakkersuisut ilaasunik angallassinermut nutaamik sullissinissamik isumaqatigiissusiorsinnaanerat akuersissutigaat. Taamaalilluni isumaqatigiissutaasinaasup sivisussusaa maanna isumaqatigiissutaasartunit ukiunik arfinilinnik sivisunerulissaq. Piffissami sivisunerusumi atuuttussanik isumaqatigiissutini ilaatigut akinut, pitsaassutsimut atortunullu atugassarititaasut pitsaanerusut anguneqarsinnaanerat naapertuuttutut nalilerneqarpat tamanna atorneqarsinnaavoq. Aningaasanut inatsisissatut siunnersuummi suliniutinut nutaanut sillimmatini piffissami

aninaasanut inatsiseqarfiusumi 2021-mit 2024-mut ukiumut 45 aamma 50 mio. koruunit ilaasunik angallassineq pillugu nutaanik kiffartuussinermut isumaqatigiissusiorermik suliniaqqinnermi atorneqarsinnaasutut immikkoortinneqarput, taamaattoqanngippallu suliniutinut pisariaqartunut allanut pingarnersiorneqarsinnaapput.

Aningaasanut inatsisissatut siunnersummut allannguutissatut siunnersuutissatut naatsorsuutigineqartut

Kommunit Naalakkersuisullu nutaamik missingersuutinut suleqatigiinnissamik isumaqatigiissusiorput, taannalu ukiuni aggersuni kommunit Namminersorlutillu Oqartussat aningaasaqarnikkut suleqatigiinneranni toqqammaviussaaq. 2021-mut kommuninut ataatsimoortumik tapiissutinik isumaqatiginninniarnerit naammasseqqajaalerput. Aningaasanut inatsisissatut siunnersuutip aappassaaneerneqarnerani pingajussaaneerneqarneraniluunniit ukiap ingerlanerani 2021-mut kommuninut ataatsimoortumik tapiissutit pillugit isumaqatigiissuteqartoqarnissaata ilimagineqarmat, kommuninut ataatsimoortumik tapiissutinut aningaasaliissutinut Naalakkersuisut allannguutissatut siunnersummik saqqummiussaqarnissartik naatsorsuutigaat.

Taamattaaq ukiuni siuliini pisartut assigalugit inatsisinik aallaaveqartut aningaasartuutissat isertitassallu nalileqqinnejnarnerannik imaqartumik allannguutissatut siunnersummik saqqummiussisoqarnissa naatsorsuutigineqarpoq. Isertitanut tunngatillugu 2021-mi nuna tamakkerlugu akileraarummit aalisarnermilu akitsuutinik, nunarsuarmi pisiortorusussuseqarnermk niuerfinnilu akit ineriartornerannik pingaarutilimmik toqqammaveqartunit, isertitassat annertuumik nalorninartoqarput. Naak ineriartorneq tamanna inuussutissarsiortunik oqaloqateqarnikkut qanimut malinnaaffigineqaraluartoq, suli susassaqarfik ukiup affaanut siumut missingersuusiorfigissallugu annertuumik nalorninartortaqarpoq.

2021-mut ukiullu tulliinut isertitassanut nalornissuteqarneq toqqammavigalugu aningaasanut inatsisissatut siunnersummi akileraarutinit akitsuutinillu isertitassatut missingersuutini annertuumik mianersorluni missingersuuteqarnissap pisariaqarnera nalinerneqarpoq.

Suliap ingerlateqqinnera

2021-mut aningasanut inatsisissatut siunnersuut Aningaasaqarnermut Akileraartarnermullu Ataatsimiitaliap misissoreerpaa. Tamanna toqqammavigalugu aningaasanut inatsisiliorfiusumi 2021-mit 2024-mut isertitat aningaasartuutillu oqimaaqatigiiffigisaannik 2021-mut aningaasanut inatsimmik akuersissutiginnittoqarnissaanik kissaateqarnini ataatsimiitaliap oqariartuutigaa.

Taama oqimaaqatigiittoqarnissaanguniarlugu 2021-mit 2024-mut aningaasanut inatsisiliorfiusumi 175 mio. koruuninik aningaasartaqtumik missingersuutit pitsangortinnissaat pisariaqarpoq.

Ataatsimiitaliamit kissaatigineqartoq aallaavigalugu Naalakkersuisut oqaloqatiginninnernik ingerlatsipput, kissaallu taanna partiinik aningaasanut inatsit pillugu oqaloqatiginninnissamut ilanngutilersaarlugu.

Ataatsimiititaliap amigartoorteqarnissamut sakkortuumik pinngitsoortsinianera aningasartutissanullu nutaanut annertuumik tunuarsimaarnera Naalakkersuisut nuannaarutigaat. Pissutsit massakkutut immikkuullarissuuneranni Nunatta Karsiata nutaanik aningaasalersorneqanngitsunik aningaasartuuteqartinneqannginnissaa Naalakkersuisut isumaqatigaat.

2021-mut Inatsisartut aningaasanut inatsimmik akuersissutiginninnissaata tungaanut sulinerup pilersaarusiорнеранут Aningaasaqarnermut Akileraartarnermullu Ataatsimiititaliamik ajunngitsumik suleqatigiinnerup nanginnissaa Naalakkersuisut qilanaaraat.

Paatsuungasoqaqqunagu Naalakkersuisuniit erseqqissarneqassaaq ukiakkut ataatsimiinnissamut aalajangiiffigisassatut siunnersuutit suliarineqarneranni, siunnersuuteqartut paassisutissiinerat tunngavigalugu aningaasartutissatut ilimagineqartut katillugit 205,9 mio. koruunummata, taakkunanngalu 72,1 mio. koruunit 2021-mut tunngasummata. 86%-ii ilaasortanit partiinillu siunnersuutit saqqummiunneqarput. 14%.it Siunnersuutit Naalakkersuisut siunnersuutaannit aallaaveqarput. Aalajangiiffigisassatut siunnersuutit aningaasalersorneqarnissaannut siunnersuutinik saqqummiussisoqanngilaq. Ilaat qularnangitsumik allaffissornikkut sinaakkutaareersut iluanni ingerlanneqarsinnaapput, taamaalillutillu aningaasartuuteqarnerunermik kinguneqartitsissanatik. Allat akuersissutigineqassagunik aningaasartuuteqarnerunermik nassataqassapput.

Taamattaaq Inatsisartuni partiinik pitsaasumik suleqateqarnissaq kissaatigaarput. Taamaammat aningaasanut inatsisisstatut siunnersuutip aappassaaneerneqarnissaanut pingajussaaneerneqarnissaanullu partiit tamarmik isumaqatiginninniarnissamut aggersarneqassapput.

Pissutsit maannakkutut isikkoqartillugit pisortat amerlanerusunik aningaasaliinerat aaqqissuussaanikkut ajornartorsiutitsinnut, imaluunniit ajornartorsiutinut sivikinnerusumik atuuttussanut aaqqiissutaasinnaannginnerat tamatta nassuerutigisariaqarparput. Namminersortut namminerlu piumassutsiminnik suliniartut suliniutaat kikkunnit tamanit maligassiunertut nersortariaqartutullu isigineqartariaqarput.

Aningaasanut inatsisisstatut siunnersuut Aningaasaqarnermut Akileraartarnermullu Ataatsimiititaliamut suliassanngortinneqarnissa naatsorsuutigineqarpoq, taamaammallu naggasiullugu ataatsimiititaliaq siunnersuut pillugu sulilluarnissaanik kissaappara.

Taama oqaaseqarlunga Naalakkersuisut 2021-mut aningaasanut inatsisisstatut siunnersuutaat Inatsisartunut kajumittumik suliassanngortippara.